

قرأت لك

منطقية القيامة

✍ وليم لين كريج - أندرو أسامة

مقال عن أدلة تاريخية لقيامة ربنا يسوع المسيح من الأموات ... طبعاً إحنا إيماننا مش مبني على حكمة الكلام بل ببرهان و قوة الروح ... لكن هنا بنناقش بالمنطق ليه القيامة حتى لو حاجة فوق العقل فهي التفسير المنطقي



❓ المصدر الرئيسي: [الفصل التاسع من كتاب \(مستعدون للمجاوبة\) للفيلسوف المسيحي. وليم لين كريج](#)

مقال عن منطقية قيامة ربنا يسوع المسيح ... و إزاي بالمنطق هي التفسير الوحيد الصحيح للي حصل

🎧 سماع الملخص - أنكل أندرو أسامة



? ليه التشكيك في القيامة؟

القيامة هي أساس إيماننا المسيحي

عقيدة الصليب و القيامة (الفداء) هي أكثر عقيدة يحاول الشيطان يهاجمها ... لأنها أساس الخلاص و مفيش خلاص من غير الإيمان بيها

و ما أسهل على الشيطان إنه يقول إن ربنا موجود و إنه خالق كل شيء ... و على ربنا يسوع إنه إنسان عظيم و تعاليمه حلوة جداً ... لكن يحاول بكل قوته يمنعنا نقول إنه ابن الله الوحيد و إنه أكمل فدائه لنا ... اتصلب و مات و دُفن من الأموات في اليوم الثالث و أقامنا معه ... لأننا ببساطة لو لم نؤمن بكده لن نخلص

كلامنا هنا بالمنطق (مش بالإيمان) عن القيامة لمجاوبة من يرفض الاقتناع و الإيمان بها ... من خلال 3 أدلة تاريخية توصلنا للحقيقة: المسيح قام من بين الأموات

لكن قبل كده فيه ناس بتشكك في موت المسيح على الصليب أصلاً!!

فرضية #1: المسيح لم يمت أصلاً على الصليب بل نزل من عليه حياً

الرد: طبعاً ده كلام غير منطقي تماماً لأن الجنود الرومان عارفين شغلهم كويس جداً و أكيد مكانوش هيقروا بموته (و اليهود كمان مانوا باصين على الصليب) غير لو مات ... و طبعاً الآلام الرهيبة اللي تعرض لها السيد المسيح (خصوصاً الجلد) خلّع يموت على الصليب بسرعة أكثر من العادي

🔗 دليل #1 : القبر الفارغ



فرضية #2: جسد السيد المسيح لم يفارق القبر أصلاً

رد #1: قبر يسوع معروف لكل (القبر اللي اشتراه يوسف الرامي) ... ماينفعش التلاميذ يبدأوا يكرزوا بالقيامة بينما جسد السيد المسيح موجود في القبر ... كان اليهود هيفتحوا القبر و يلاقوا الجسد و ينهوا الموضوع خصوصاً إنه كان مهم جداً

ليهم و إنهم حاولوا كذا مرة يةَقّفوا كرازة التلاميذ (زي ما بنقرا في سفر أعمال الرسل)
رد#2: طبعاً القبر كان موجود و اتدفن فيه السيد المسيح بدليل إن لما الجسد ساب القبر مقالوش إن التلاميذ كدبوا و إن يسوع ماتدفنش أصلاً أو إن ده مش قبره, بل قالوا و أشاعوا إن التلاميذ سرقوا الجسد

وفيما هما ذاهبتان إذا قوم من الحراس جاءوا إلى المدينة وأخبروا رؤساء الكهنة بكل ما كان. فاجتمعوا مع الشيوخ، وتشاوروا، وأعطوا العسكر فضة كثيرة قائلين: «قولوا إن تلاميذه أتوا ليلاً وسرقوه ونحن نيام. وإذا سمع ذلك عند الوالي فنحن نستعطفه، ونجعلكم مطمئنين». فأخذوا الفضة وفعلوا كما علموهم، **فشاع هذا القول عند اليهود إلى هذا اليوم** (متى 28 : 11 ل 15)

استنتاج #1: نستنتج من الرد فرضية #1 و فرضية #2 و من دليل القبر الفارغ أن: السيد المسيح أكد اتدفن في القبر و أكد ساب القبر قبل بداية الكرازة

🐟 دليل #2 : الظهورات



مذكور في الأنجيل و رسائل بولس الرسول ظهورات كتير للسيد المسيح مرات كتير و لأشخاص كتير.
 زي ما بنشوف في أحد توما إته لمس بنفسه آثار الجروح اللي في جسد ربنا الممجد (لأن الظهور كان جسدي مش روعي) و قبلها ربنا عشان يطقّنهم لما ظنوا إنه خيال أكل معاهم

فرضية #3: دي مجرد هلاوس جماعية من التلاميذ عشان تعلّقوا بيسوع

رد #1: طبياً مستحيل مجموعة من الناس يجيلهم هلوسة جماعية و يشوفوا نفس الحاجة في نفس الوقت
رد #2: تحول شاول من مضطهد لكارز ... إزاي واحد من كبار المضطهدين يتحول لواحد من أعظم الكارزين؟ بولس نفسه حكي 3 مرات اختبار ظهور ربنا له و هو رايح دمشق

🐟 دليل #3 : إيمان التلاميذ

فرضية #4: دي مجرد كدبة كدبوها التلاميذ و نشروها عشان حبهم لمعلّمهم

الرد: التلاميذ كلهم أفنوا حياتهم من أجل الإيمان بالسيد المسيح ... و أساس الإيمان ده هو القيامة ... أكيد ماحدش هيقدم حياته عشان كدبة هو كدبها

طبعاً نقدر نضيف على ال 3 أدلة دليل علمي هو اكتشاف القبر و تحليل الأكفان اللي أكّدت كل الآلام اللي ذُكرت في الأنجيل و أكّدت القيامة

نستنتج من الأدلة اللي فاتت إن القيامة هي التفسير المنطقي الوحيد للي حصل حتى لو حاجة فوق العقل ... و طوبى لمن آمن و لم يرى ... ربنا يدّينا ثبات على إيماننا المسيحي